

## Imbabura - Mañashpa Salmos - WP Psalms

Salmos 68:1 Taita Dioslla, jataripairi. Can jatarishpaca, canda fiñajcunataca, caiman chaiman cachapailla. Paita millanayachijcunaca, paipaj ñaupajmandaca pacajushpa calpachun.

Salmos 5:9,10 Paicunapaj shimihuanga, yanga nij tucushpallami parlanajun. Paicunapaj shungupica, nalicunalla jundami. Paicunapaj cungaca, huañushcata pambashca utujuta pascashcashnami. Paicunapaj jalluhuanga, uyanaitami llullashpa parlanajun. 10 Taita Dioslla, paicunataca llaquichipairi. Paicuna nali yuyaita cunajushcapillata urmachun saquipailla. Ninandapacha canda na cazushcamandaca anchuchipairi. Paicunallatami canda jariyanajurca.

Salmos 11:6 Mandaj Diosca, nalicunapaj jahuapica, llaquicunatami tamiachinga. Paicuna japina copaca, nina, azufre, ima tiashcata tucuchij huairami canga.

Salmos 18:14 Paipaj flechacunata cachamushpami, fiñajcunataca caita chaita cacharca. Paipaj punchapambata shitamunacunata cachamushpami, paicunataca tucuchirca.

Salmos 18:17 Ñucataca, ninan ushaita charij ñucata fiñajmandapash, ñucata millanayachij runacunamandapashmi cacharichihuarca. Paicuna ñucata ashtahuan yali shinlicuna cajpipash, llujchircallami.

Salmos 18:39 Macanajuchunga, chumbilichinshnami ushaita cuhuarcangui. Ñucata fiñajcunataca, ñuca ñaupajpimi urai cumuchircangui.

Salmos 18:45 Na rijsishca gentecunaca, ushai illaj tucushpami, paicuna pacajushca ucucunamandaca, chujchushpa llujshinajurca.

Salmos 27:11 Mandaj Dioslla, ñucata fiñajcuna ama juchachinajuchunga, cambaj ñambi purinata yachachihuayari. Ali ñanda pushahuayari.

Salmos 35:1-8 Mandaj Dioslla, ñucata fiñashpa rimajcunahuan chimbapura shayaripairi. Ñucahuan macanajucunahuan macanajupairi. 2 Jarcarina jatun escudotapash, uchilla escudotapash japishpa, ñucata ayudangapaj jataripairi. 3 Ñucata catiriashpa llaquichijcunataca, cambaj lanzata japishpa tuparipairi. Ñuca almataca: "Ñucami, canda quishpichij cani" nipairi. 4 Ñucata huañuchingapaj munajcunaca, pingai tucushpa muspachi tucushca cachun. Ñucata nalita rurachingapaj munajcunaca, pingai tucushpa huashaman tigrachi tucushca cachun. 5 Huaira apanalla jupashna cachun, Mandaj Diospaj angelpash llaquichingapaj catirijuchunlla. 6 Paicunapaj ñanga yana yanapash, lluchashpa urmanallapash cachun. Mandaj Diospaj angelpash, catiriashpa llaquichijuchunlla. 7 Ima nalitapash na rurajpitami, utujupi linllita pacalla ñucaman churanajurca. Yangamandami, ñucaman utujuta

ruranajurca. 8 Paicunataca na yachajta, Ilaqui japishpami ali canman. Paicuna pacalla churashca linllillata japishpaca, alimi canman. Chai linllipica, Ilaquita apangapaj urmachun.

Salmos 52:5 Shinamandami Taita Diosca, causaita causaicaman candaca tucuchinga. Candaca Ilaquinayaita tucuchishpami, can causajuj huasimandaca llujchinga. Cai pachapi causanajuj puramandaca, sapimanda llujchinshnami candaca anchuchinga.

Salmos 60:12 Taita Dioshuanga, jatun manllarinacunata rurashunllami. Paimi, ñucanchita fiñajcunataca sarunga.

Salmos 66:3 Taita Diostaca, cashna nichu: “¡Can rurashcacunaca, jatun manllarinacunamari! Cambaj jatun ushaimandami, canda fiñajcunaca manllaihuan cazunajunga.

Salmos 68:35 Cambajlla huasipi tiajushpaca, canga manllarina Taita Diosmi cangui. Israelcunapaj Taita Diosca, paimi pai agllashcacuna ninan shinll cachunga, ushaita cujun. Taita Diosca, alimari cangui ni tucushca cachun.

Salmos 70:1 Taita Dioslla, ñucata cacharichingapaj shamupairi. Taita Dioslla, ayudangapaj ucha shamupairi.

Salmos 71:13 Ñuca causaita tucuchingapaj munajcunaca, pingaichi tucushca, chingachi tucushca cachun. Ñucata Ilaquichingapaj muyujcunaca, pingai tucunahuambash, musparinahuambash, quilpai tucushcashna cachun.

Salmos 76:12 Paimi, mandajcunapaj samaitaca tucuchinga. Cai pachata jatun mandajcunapajpash, manllana Diosmi.

Salmos 118:10 Tucui llactacunapi causajcunami, ñuca muyundipi shayarimurca. Ashtahuangarin ñucarami, Mandaj Diospaj shutipi tucuchisha.

Salmos 118:12 Balun chuspacunashnami chaupipi churahuarca. Casha rupajunshnami, ninanda fiñanajuhuarca. Ashtahuangarin ñucarami, Mandaj Diospaj shutipi tucuchisha.

Salmos 149:8,9 Paicunata jatun mandajcunataca, grillo nishca jirrucunahuan churachishpa prezuichi. Paicunapaj alicachi tucushca runacunatapash, jirru cadenacunahuan huatashpa prezuichi. 9 Paicunata Ilaquichina nishpa villashcashnallata Ilaquichingapaj, chashna prezuichi. Chashna rurashpaca, Diospajlla tucui causajcunapaj ninan cushijunami canga. Mandaj Diosta alicachinguichi.

Pastor T. John Franklin  
Church of Salvation, Healing, and Deliverance  
COS-HAD.org